



Synfocity = 944

mail us at : mzsynfo@gmail.com; mizoramsynod@gmail.com - Phone - 2314648

July 4, 2024

❑ Synod Music School-in Music Recital an buatsaih

June 29, 2024 (Inrinni) khan Synod Music School-a Piano, Violin leh Vocal zirlaiten Recital an nei a, zirlai 94 an tel thei a ni. Recital hi Worship Dept. Coordinator, Pu Lalchhunglianaw hawngin Pathian hnenah a hlan a, zirlaite fuihna thu sawiin rawngbawlina atana inbuatsaih an nih thu sawiin kohhran tana mi tangkai tak ni zel turin a fuih a ni.

Recital-ah hian zirlaiten an thiam thil an lantir a, Vocal zirlaite chuan an zirlaia mi hla an sa a, Violin leh Piano zirlai te pawhin an zirlaia mi music an play a ni. Recital hi Session/Semester zawhah neih thin a ni a, musician tha ni tur chuan he programme hi a pawimawh em em a, zirlaiten an hlawkpui thin hle a ni.

❑ Zirlai Viltu Committee-in Incentive Cash hlan

July 3, 2024 (Nilaini) chawhnu dar 3:00 khan Synod Office Devotion Hall-ah Zirlai Viltu Committee chuan Synod Resource Centre-a inziak lut zinga All India Civil Services Examination (Prelims)-a inziak tling, Lalremsiama Darchhun hnenah Incentive, ₹ 80,000 an hlan.

He programme hi Rev. K. Lalrinmawian a kaihruai a, Synod Resource Centre chanchin tlangpui Pu R.L. Rinawma, IRS(Rtd)-in a sawi. Thusawi tawi, Pu C. Lalsawta, IAS(Rtd), Rev. Dr. K. Lallawmzuala, Executive Secretary, Pu Benjamin-a, IDAS(Rtd) leh Tv. Lalremsiama Darchhun te hnen aţangin ngaihthlak a ni bawk a, Rev. Dr. K. Lallawmzualan Incentive hi Tv. Lalremsiama Darchhun hnenah a hlan a. Pu Lalsiammawia Fanai, Zirlai Viltu Committee Secretary-in lawmthu a sawi a ni.

Tv. Lalremsiama Darchhun hi Synod Resource Centre din a nih tirh aţanga CSE (Prelims) inziak tling hmasa ber leh awmchhun a ni a. HSLC (MBSE)-ah exam dawnin a pa a boral a, topper a ni ta tho va. HSSLC (Sc.) topper a ni leh bawk. St. Stephen's College, Delhi aţangin B.Sc (Physics) a zo tawh a ni. An unau hi 4 an ni a, a upa ber dawttu a ni a, Tanhrilah a nu hovin an khawsa mek a ni.

Zirlai Viltu Committee hian a din tirh aţangin All India Service hrang hranga Mizo thalaite an inziak tlin theihna turin theihtawpin hma a la a. A mamawhten an pan theih turin Synod Resource Centre a din a, All India Service pensioner, mi tlawmngaiten Centre hi an vil reng bawk thin. Kum 2021 aţangin Incentive hi pek a ni thin a, 2021 khan mi pasarih hnenah pek a ni a, kum 2022-ah mi pali hnenah pek a ni leh bawk. CSE(Prelims)-a Mizo inziak tling chu pek vek thin an ni a. Kum 2024 aţangin erawh chuan Synod Resource Centre aţanga inziak tlingte chauh pek a ni ta a ni.

❑ Health Sunday & Hospital Sunday

July 7, 2024 (Pathianni) hi Health Sunday & Hospital Sunday (Damdawi In Pathianni) a ni a, Mizoram Presbyterian Kohhran chuan Hospital Sunday hi kum 1928 aţangin a hman aţan a, kum 1981 aţangin July thla Pathianni hmasa ber hi ni bik atan hman a ni.

Kum 1985 Synod Inkhawmpui thu angin 1988 aţangin January Pathianni hnunung ber chu Phâr Pathianni (Leprosy Sunday) atan hman thin a ni a. Kum 2004 Synod chuan phâr pual chauh ni lovin natna dangte pawh huamin 'Health Sunday' tiin a thlak a, kum 2006 aţangin Health Sunday hi hman aţan a ni. Bial KTP Inkhawmpui nen a inruwal chang a awm avangin February Pathianni wawi thumnaah hman thin a ni ta a. Kum 2008 Synod-in 'Health Sunday leh Hospital Sunday hi Pathianni wawi khatah a ruala hman ni se' tia a rel angin kum 2010 aţangin Health Sunday leh Hospital Sunday hi a rualin ni khatah, July Pathianni hmasa berah hman a ni ta a ni.

Kumin 2024 hian Health Sunday pualin chawhnuah hun hman a ni ang a, zanah Hospital Sunday puala hun hman a ni ang. Thawhlawm lak khawm a ni ang a, Synod Hospital Charity Fund pual a ni ang. Health Sunday leh Hospital Sunday pual hian Synod Hospital, Durtlanga thawktute kohhran 18-ah an kal ang.

Kumin Health Sunday & Hospital Sunday atan hetiang hian programme duan a ni:

Chawhnu Inkhawm : Health Sunday Pual

Thupui : Natna hriat chhuah hma pawimawhna

Zan Inkhâwm : Hospital Sunday Pual

Thupui : Dam turin thu awih a pawimawh

Tun dinhmuna Synod Hospital, Durtlang leh John Williams Hospital, Lunglei-a thawktu awm dan chu hetiang hi a ni:

Synod Hospital, Durtlang:

Khum awm zat	355
Doctor	37
Nursing Staff leh Sister	156
Asst. Professor leh Tutor	12
Para Medical Staff	29
Thawktu dang	112
Thawktu zawng zawng	346

Kum 2023-2024 chhunga damlo awm man pe theilo mi 863 te awm man ba ₹ 2,18,04,753/- chu charity fund ațangin pek sak a ni.

John Williams Hospital, Lunglei:

Khum awm zat	30
Doctor	4
Staff Nurse	22
Thawktu dang	36
Thawktu zawng zawng	62

□ **MSSU**

July 6, 2024 (Inrinni) hian Kelsih Kohhranah Sunday School zirtirtu training neihpui turin trainer-te, Upa K. Zoremsanga, Upa R. Vanlalhruaia leh Upa Lalchuaailova te an kal ang.

□ **Prison Ministry**

July 7, 2024 (Pathianni) hian Central Jail-a Masihi Sangati leh Central Women's Jail-ah te hun hmang turin Rev. Dr. R. Vanlaltluanga, ATC; Rev. R. Lalrinsanga. Director, Masihi Sangati Kendra; Rev. R. Lalmingsanga, Secretary, SMB te leh zaia rawngbawl turin Synod Mission Choir, One In Christ, NI. R. Lalrinmawii, NI. Christina Vanlalnglaki, NI. Thelma Lalhmingthangi te an kal ang.

□ **Synod Mission Board**◆ **Jharkhand Mission Field**

June 27, 2024 (Ningani) khan Pakur Pastor biala Sihilbona kohhran biak in thar chu Upa Richard B. Lalhriatpuia (Armed Veng South Kohhran) chuan a hawng. Biak In hawna inkhawm hi Rev. C. Lalnuntluanga, Bialtu Pastor-in kaihruaiin Pathian hnenah Biak In thar hi a hlan a ni.

Sihilbona kohhran Biak In hi Armed Veng South Kohhranin ₹ 3,10,000/- senga an sak a ni a, a dung feet 30 leh avang feet 20 a zau a ni. Biak In thar hawnaah hian Armed Veng South Kohhran ațangin mi pathum, Upa Richard B. Lalhriatpuia, Ramthar Committee Chairman; Pu K. Lalnunzira, Secretary leh T. Upa F. Lalruatfela, Treasurer an kal thei a, Field chhunga Pastor, Pro. Pastor leh bial thawktute an kal ța hle bawk. Biak In thar lawm nan Kohhranhoten ruai an kil ho bawk. Sihilbona kohhran hi Branch Church niin kohhran chhungkua pasarih leh member 27 an awm mek a ni.

June 28, 2024 (Zirtawpni) khan belhtu thar pali an awm a, ni 30 (Pathianni) khan belhtu thar paruk an awm bawk.

◆ **Patna Mission Field**

June 30, 2024 (Pathianni) khan belhtu thar pathum an awm.

◆ **Nepal Mission Field**

June 30, 2024 (Pathianni) khan belhtu thar pasarih an awm.

◆ **Lucknow Mission Field**

June 30, 2024 (Pathianni) khan belhtu thar pakhat a awm.

◆ **Arunachal & Assam Mission Field (East)**

June 30, 2024 (Pathianni) khan belhtu thar pathum an awm.

◆ **Calcutta Mission Field**

June 30, 2024 (Pathianni) khan belhtu thar 15 an awm.

☐ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	Lungsei	In chhia leh vanduaina taw	10	₹ 1,85,000/-
2.	Lungsei Branch Church	Sunday School Hall chhia	siamthat nan	₹ 50,000/-
3.	Sevenphul	Leimin tuar	10	₹ 1,50,000/-
4.	Phulpui	Leimin tuar	10	₹ 1,50,000/-
5.	Hmawngkawn	In chhia	4	₹ 60,000/-
6.	Lungsai Kohhran	choka chhia	siamthat nan	₹ 30,000/-
7.	Lungsai	Leimin tuar	1	₹ 15,000/-
8.	Mamit Dinthar	In kang	1	₹ 20,000/-
9.	Khawhai	In chhia	1	₹ 15,000/-
10.	Kulikawn East	Vanduaina taw	1	₹ 15,000/-
11.	Lengpui	Damlo	1	₹ 10,000/-
12.	Rullam	In chhia	1	₹ 10,000/-
13.	Sairang Dinthar	Damlo	1	₹ 10,000/-
14.	Neihloh	Damlo	1	₹ 10,000/-
15.	Hualtu	Damlo	1	₹ 10,000/-
16.	Champhai Kanan	Damlo	1	₹ 10,000/-
17.	Tuidam	Damlo	1	₹ 10,000/-
			Belh khawm	₹ 7,60,000/-

☐ **FM Zoawi - Aizawl & Lunglei : Hruaina Eng Radio Programme**

July 5, 2024 (Zirtawpni) @ 7:30 p.m. :

Fak hla huang : R. Lalbiakfeli

Thusawi : Kevin Lalhriatpuia & Zodinpuui - Mental Health Awareness chungchang

Zaipawl : Diakkawn Bial Zaipawl - Pen khat zelin ka chhandamtu

☐ **Su Samachar Prasaran Programme :**

July 7, 2024 (Pathianni) 5:30 pm. :

Group/Choir/Solo : Durtlang Masihi Sangati - Prabhu

Group/Choir/Solo : H. Vanlalringa - He Mere Man

Sermon : Rev. Darrema Hlawndo

Group/Choir/Solo : Govt. Complex Kohhran - Anugrah Karii

Group/Choir/Solo : Chanmari Masihi Sangati - Aaradhana

☐ **Hruaina Eng TV Programme**

4.7.2024 (Ningani) 8:30 pm : Thupui zir bing

5.7.2024 (Zirtawpni) 5:00 pm : Kristian Naupang Pual

6.7.2024 (Inrinni) 5:30 pm : Puitling Sunday School Zirlai

7.7.2024 (Pathianni) 8:00 am : Weekly round up

5:30 pm : Su Samachar Prasaran

8.7.2024 (Thawhtanni) 8:30 pm : Hruaina Eng Luang chhuak

☐ **Moderator leh Executive Secretary-te Programme:**

Rev. R. Vanlalnghaka : Moderator

July 1-18, 2024 Presbyterian Church of Wales Kohhran tlawh

Rev. C. Zoramawia : Senior Executive Secretary

July 11-14, 2024 North East Region Missionary Retreat

Rev. V.L. Luaia Hranleh : Executive Secretary

July 2-4, 2024 Pastor Infuihtharna leh John Williams Hospital Committee, Lunglei

July 5, 2024 SL&PB BEC

Rev. Dr. K. Lallawmzuala : Executive Secretary

July 4-7, 2024

Partnership Programme, Bangalore

July 9, 2024

Kristian Hla Bu Ennawn Sub-Committee

July 10, 2024

Worship Cell Committee

July 11-14, 2024

North East Region Missionary Retreat

SYNOD REVIVAL HRIATTIRNA

July 9-13, 2024 chung hian Synod Revival Camping Center, Neihbawiah a duh apiang tan Camping buatsaih a ni dawn a. Speaker tur chu Upa C. Ramtharnghaka, Jehova Jire Team a ni ang. Camping Fee mi pakhat tan ` 100/- a ni a, Mutbu bakah Bible, Hlabu, Pen, Note Bu ken tur a ni. Ruihtheih thil ken luh phal a ni lo a. Mobile Phone pawh ken luh phal a ni lo. Thawhlehniah lutin Inrinniah chhuah leh tur a ni ang. Camp neihna hmun Neihbawiah chhun dar 12 - tlai dar 4 inkarah Registration tih fel vek tur a ni a, rokhawlhna lian tak nei an nih loh chuan tlai dar 4 hnu lamah in Register theih a ni lo ang. Ei leh in chu Synod-in a tum vek dawn a ni.

PATHIAN THU ZIR DUH TAN

Presbyterian Bible School, Mission Veng-ah Certificate in Theology (C.Th) Admission hawn a ni a. Dil duhte tan a hnuaia tarlan hi hriat tur a ni e.

Admission Form	:	Office hun chhungin ` 10/- a lei theih a ni
Dil hun chung	:	August 23, 2024 (Zirtawpni) tlai dar 3:00 thleng
Dil thei chin	:	Class VII pass, kum 16 chin, Kohhran dan chhunga awm
Interview	:	August 27, 2024 (Thawhlehni) chawhma dar 10:00
Class tan hun	:	September 2, 2024 (Thawhtanni)
Zir hun chung	:	September - December, 2024

Hrechiang duh tan Phone No. 8974613378/8296035491/9612174790-ah zawhfiah theih a ni.

Sd/-

Rev. Lalrinsanga

Principal

Presbyterian Bible School

SYNOD RESOURCE CENTRE HRIATTIRNA

All India Services, Central Services leh UPSC buatsaih Exams hrang hrang a tana inbuatsaihte tan Synod Resource Centre, Synod Conference Centre, Mission Vengah a inziah luh theih e.

Form lak chhuah theih chhung : July 8, 2024 atangin 10:30 am - 3:00 pm (Mon - Fri)

Dil theite:

1. Graduate leh a chung lam chin
2. HSSLC zirlaite tan

Thehluh tawp ni : July 20, 2024

Hrechiang duh tan Phone No. 9089145755-ah zawhfiah theih a ni.

Sd/-

Lalsiammawia Fanai

Secretary, Zirlai Viltu Committee

Mizoram Synod

